



Broj: 02-04-1014/23  
Trnovo, 3.4.2023. godine

Na osnovu člana 70. Zakona o javnim nabavkama („Službeni glasnik BiH“, br.39/14 i 59/22), a na Prijedlog Komisije za provođenje postupka javnih nabavki broj: 02-04-1014/23 od 3.4.2023. godine, u postupku javne nabavke usluga – Održavanje javne rasvjete, Općinski načelnik je d o n i o:

**ODLUKU**  
**o izboru najpovoljnijeg ponuđača za nabavku usluga**

Član 1.

Prihvata se Prijedlog Komisije za provođenje postupka javnih nabavki, broj: 02-04-1014/23 od 3.4.2023. godine i ugovor za javnu nabavku: **Održavanje javne rasvjete** i dodjeljuje se ponuđaču: **Teslaluks d.o.o. Sarajevo, Milana Preloga 12A/III**, ponuda broj: 01-27-03/23 od 27.3.2023. godine, za ponudenu cijenu nakon održane e-aukcije u iznosu od **14.400,00** bez PDV-a, kao najpovoljnijem ponuđaču.

Član 2.

Prijedlog okvirnog sporazuma o nabavci dostavit će se na potpis izabranom ponuđaču na adresu **Teslaluks d.o.o. Sarajevo, Milana Preloga 12A/III**. Obavezuje se izabrani ponuđač da dokazuje o kvalificiranosti, ne starije od 3 mjeseca računajući od momenta predaje dokumenata, dostavi u roku od 7 dana od dana prijema odluke, u protivnom će se postupiti u skladu sa članom 72. stav (3) tačka b) Zakona o javnim nabavkama.

Član 3.

Za izvršenje ove odluke zadužuje se i ovlašćuje nadležna služba Općine.

Član 4.

Ova odluka objavit će se na web-stranici [www.trnovo.ba](http://www.trnovo.ba), istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 5.

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav (2) Zakona o javnim nabavkama.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 02-04-1014/23 od 9.3.2023. godine.

Javna nabavka je provedena putem konkurentskog zahtjeva za dostavu ponuda.

Procijenjena vrijednost javne nabavke bez PDV-a je 17.094,02 KM.

Tenderska dokumentacija objavljena na portalu Portalu javnih nabavki dana 16.3.2023. godine.

Obavještenje o nabavci objavljeno u Službenom glasniku BIH.

Komisija za provođenje postupka javnih nabavki imenovana je rješenjem broj: broj: 02-04-73/22 od 26.01.2023. godine, u sastavu:

1. Adel Koso, predsjedavajući
2. Zineta Hadžić, član
3. Hamza Kadrispahić, član

Sekretar komisije Irma Malićević.

Komisija je dostavila dana 3.4.2023. godine izvještaj o radu broj: 02-04-1014/23 od 3.4.2023. godine sa prijedlogom za donošenje odluke o izboru najpovoljnijeg ponuđača u postupku javne nabavke usluga – **Održavanje javne rasvjete.**

U postupku po izvješću o radu je utvrđeno je da je Komisija za provođenje postupka javnih nabavki blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3,
- da su blagovremeno zaprimljene 3 ponude,
- da je neblagovremeno zaprimljeno 0 ponuda,
- da su ponuda ponuđača **R&S d.o.o. Sarajevo, Igmanska b.b., i Teslaluks d.o.o. Sarajevo, Milana Preloga 12A/III** prihvatljive.

- da je ponuda **Energomatika d.o.o. Foča** odbačena zbog nepravilnosti iz sljedećih razloga :  
Uvidom u ponudu ponuđača broj PO1-22-03/23 od 22.3.2023. uočene su tehničke nepravilnosti koji se očituju u nepravilno popunjenim izjavama iz članova 45 i 52. ZJN. Naime, uvidom u ponudu, stranice 10 i 21 vidljive su izjave iz člana 45, odnosno člana 52 ZJN. Uvidom u iste, vidljivo je da ponuđač nije popunio sve podatke koje se traže predmetnom izjavom, odnosno na poziciju mjesto i datum davanja izjave ostalo je upražnjeno mjesto. Uputstvom za pripremu modela tenderske dokumentacije i ponuda, članom 21. istog propisani su prilozi između kojih je stavom (1) tačka c), d), e), f) i g) propisane obavezujuće forme izjava koje se moraju tražiti u postupcima javnih nabavki. Izjave moraju biti popunjene na način kako je to utvrđeno tenderskom dokumentacijom, zakonom i uputstvom. U skladu s prednjim, u navedene izjave nisu oneseni svi podaci koji se odnose na konkretni postupak, odnosno nije naveden podatak mjesta i datuma davanja izjave. U konkretnom slučaju, datum ovjere nije relevantan jer isti ne predstavlja datum davanja izjave, obzirom da se radi o izjavama koje se moraju ovjeriti kod nadležnog organa. Obzirom na to da niti na jednoj izjavi taj podatak nije naveden, Komisija je mišljenja da se ne radi o nezatnoj grešci, propustu pa je kao takve predmetne izjave označila neprihvatljivim. Sve naprijed navedeno u pogledu nedostatka podataka, odnosi se i na izjavu iz člana 52. Zakona. Obzirom na to da na obje izjave koje se imaju ovjeriti kod nadležnog organa nije naveden naznačeni podatak, Komisija je mišljenja da se ne radi o nezatnoj grešci, propustu pa je kao takve predmetne izjave označila neprihvatljivim. Imajući u vidu prednje, s ponudom se imalo postupiti u skladu s članom 68. stav (4) tačka i) Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača te ocjenu prispjelih ponuda, shodno kriterijima iz Tenderske dokumentacije.

U postupku ocjene provedenog postupka, rukovodilac ugovornog tijela nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije.

Naime, u postupku je ocijenjeno da je Komisija u svemu pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

- Rang lista prema kriteriju za izbor ponude:

R.br.	PONUĐAČ	Rangiranje ponuda prema kriteriju za izbor ponude bez PDV-a
1.	Teslaluks d.o.o. Sarajevo, Milana Preloga 12A/III	14.400,00
2.	SES d.o.o. Sarajevo, Bačići 11.	14.500,00

Na osnovu naprijed navedenog, odlučeno je kao u članu 1. Odluke.

## POUKA O PRAVNOM LIJEKU

Protiv ove odluke može se izjaviti žalba u roku od pet dana od dana prijema Odluke o izboru najpovoljnijih ponuđača. Žalba se izjavljuje Ugovornom organu u pismenoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koja ne može biti manji od tri, kako bi mogla biti uručena izabranom ponuđaču kao i drugim strankama u postupku.

Dostavljeno:

1. Ponuđačima
2. U spis predmeta

Izradio: Adel Koso



Kontrolisao: Osman Smječanin, pomoćnik rukovodioca organa državne službe



Općinski načelnik  
broj: Berilo

